

Dienelkander



Nuusbrief van die Gereformeerde Kerk Potchefstroom-Oos

3 September 2017

OGGENDDIENS: Ds. Piet

Skriflesing: 2 Korintiërs 1: 1 - 11

Teks: 2 Korintiers 1: 4

Tema: Troos, bemoedig en gee mekaar hoop in Christus.

Ons kan soms so negatief wees en mekaar meer in die grond in praat as wat ons mekaar troos, bemoedig of hoop gee. En dit terwyl ons verlede Sondag die wonderlike evangelie gehoor het van God, ons Vader, wat Hom oor ons ontferm en ons in alle omstandighede moed gee. God gee hierdie troos en bemoediging en hoop wanneer ek en jy swaarkry SODAT ons dit weer aan ander kan gee wat swaar kry.

Kyk bietjie rondom jou en raak bewus van so baie mense wat hierdie troos, bemoediging en hoop nodig het. En moenie sê: ek weet nie wat om te sê of wat om te doen nie! In Christus ontvang jy oorvloedige troos! Met ander woorde: jy het arms vol trooswoorde en troosdade om uit te deel! En nie sommer oppervlakkige en menslike troos nie, maar ware troos in Christus! Deel dit uit, ons het dit nodig!

Liturgiese deelname

Vanoggend gaan van ons senior lidmate enkele aspekte van die liturgie hanteer. Ons dank die Here vir die senior lidmate in ons gemeente wat met voorbeeld leiding gee. Ons bid hulle almal die Here se krag en bystand toe in hierdie fase van hulle lewe. Mag ons altyd die nodige eerbied en respek vir ouer

mense toon en hulle met liefde versorg. (1 Tim 5: 1 - 8)

Lofprysing met die oog op die erediens

Ps 146-1: 1, 2, 3 en Ps 147-2: 1, 2, 4 (eerste mel)

Ontmoetingsdiens

Intreelied Sb 15-1: 1 (almal), 2 (brs), 3 (srs), 4 (almal); Votum; Seën; Loflied Ps 145-1: 1, 5, 11, 12; Geloofsbelofte 12 Artikels voorgehou deur Roelf Botha

Veroortmoedigingsdiens

Wetlesing deur Joke Botha: Rom. 12: 1 - 16; Sing Sb 9-3: 1, 2; Gebed deur ds. Pieter

Woorddiens

Skriflesing deur Heleen Kruger; Sing Sb 11-1: 1, 2, 10, 11 (Mel van Sb 9 - 1); Woordverkondiging

Antwoorddiens

Gebed; Liefdegawes; Gebed vir Bediening na Buite (Bybelvertaling); Sing Lied 530: 1, 2, 3; Seën; Amenlied Sb13-3.

AANDDIENS: Ds. Piet

Skrifgedeelte: Jesaja 32

Teks: Jesaja 32 : 15

Belydenis: HK Sondag 18 vraag 49 - 51

Tema: Die Heilige Gees verander ons geloofslewe van 'n woestyn na 'n groen, vrugbare tuin vol vrugte!

Word jy ook aangegegryp deur die wonder van lente hier in Potchefstroom? Die hele winter

deur lyk die natuur amper soos 'n woestyn, droog, bruin en dood! En ewe skielik begin alles verander! 'n Boom wat die hele winter met sy kaal takke sonder blare staan, verander byna oornag in 'n groen wonderwerk. Duisende klein blaartjies verskyn sommer so uit die niet en oortrek die droë boom en verander dit in 'n lus vir die oog. Net so ook vrugtebome wat skielik oortrek is met die mooi bloeisels en klein vruggies wat na vore kom. Alles verander!

Net so verander God ook sy kinders se lewe. Die Heilige Gees verander ons geloofslewé van 'n woestyn na 'n groen tuin vol vrugte. Kom ons onderwerp ons aan die lente van die Gees sodat ons ook vol groen blare en vrugte vir die Here en vir mekaar kan wees!

Lofsang met die oog op die erediens

Lied 334: 1, 2, 4 en Lied 525: 1, 3

Ontmoetingsdiens

Intreelied en votum: Ps 67–2: 1; Seën;
Lofsang Ps 92–2:1, 2, 5; Gebed

Woorddiens

Skriflesing; HK Sondag 18 vraag 49 - 51; Sing
Ps 85–1: 3, 4; Woordverkondiging

Antwoorddiens

Gebed; Liefdegawes; Geleentheid vir refleksie
op die dag se eredienste; Sing Ps 67–2: 2, 3;
Seën; Amenlied Sb 13-2.

MEELEWING

- Isak Buys is Maandagaand skielik aan 'n hartaanval oorlede. Ons bid vir Salome (Groep 9 - 076 805 9456) en klein Sakkie die Here se troos en bystand toe. Hy word more om 12:00 uit die Geref Kerk Klerksdorp-Noord begrawe.
- Annatjie Boltman (Groep 11 - 082 451 8374) het 'n voetoperasie ondergaan en sterk tuis aan.
- Tannie Marthie Velloen, Chris Velloen (Groep 44 - 083 236 6388) se ouma, wat verlede Sondag onder die erediens 'n beroerte gehad het, sterk tuis by Chris aan.
- Pieter en Ina Potgieter (Groep 3 - 082 451 0762) se seun en sy gesin beleef groot

trauma en verlies met die orkaan wat Houston, Texas, getref het. Ons dra hulle en al die ander, wat deur die natuurramp getref is, op aan die sorg van die Here.

- Maré Bester, van Martin en Loretta (Groep 9 - 084 601 0224), het Donderdag 'n operasie in Medi-Kliniek ondergaan om spalkpenne uit sy arm te haal.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siektes@oosdoppers.co.za of Hendrik vd Walt (079 022 2526)

BAIE GELUK

- Carmen Lubbe het NW-kleuré in landloop gekry. Baie geluk Carmen en sterkte vir die SA's.
- Verkiesing tot skole se SR: Anja Coetzee (Volkies), Kaila Lambrecht (Gimmies) en Amoné Delport (Ferdies). Baie geluk julle.

ONS VERWELKOM NUWE LIDMATE!

- Prof. Naas en Elsie Ferreira, met attestaat vanaf Geref. Kerk Mooirivier. Hulle woon in Richardsonstr 97, groep 41.
- Christine Ferreira, met attestaat van Geref. Kerk Die Bult. Sy woon ook in Richardsonstr 97, groep 34.
- Jacque en Chantelle du Plessis, met attestaat vanaf Geref. Kerk Carletonville. Hulle woon in Ditedostr. 13, groep 12.
- Tjaart en Estelle Earle, met attestaat vanaf Bultfontein. Hulle woon in Heimatwoonstel 4, Goldbergstr. 7, Viljoenskroon, groep 20.
- Alet Prinsloo wat opgeneem word in die

Geref. Kerk. Sy woon in Amelia Versorgingsoord, huisie 1, gr 19. Sy is Hessie Pieters se suster.

- Casper en Maryna Labuschagne, met attestaat van Geref. Kerk Die Bult. Hulle woon in Tuinstr. 6, groep 2.

ONS GROET

- Philip Hattingh wat met attestaat vertrek na Cachet. Die kerkraad verleen hiermee ook losmaking uit die diens van ouderling aan Philip. Baie dankie vir die dienswerk wat jy verrig het en seën in jou nuwe gemeente toegebid.
- Sr Marie Thomas wat met attestaat vertrek na GK Ventersdorp.

BEDIENINGSHULP

Ons is dankbaar dat prof Herrie van Rooy ook kan help met bedieningswerk. Hy neem die pastorale sorg van groepe 1, 23 en 26 en enkele ander senior lidmate op sy skouers. Ons bid hom die Here se seën toe op sy bedieningswerk. Hy sal ook help met prediking soos geleentheid voorkom.

PROGRAM VAN DIE WEEK

Vandag

09:15 Gebedsgroep
09:30 Oggenddiens
 Kleuterbediening
 Katkasisie les 20
 Tee en Koffie
18:00 Aanddiens

Dinsdag

06:00 Manne-ondersteuningsgroep
18:00 Katkasisie Gr 10

Woensdag

Amandelbloeisel-byeenkoms skuif na Donderdag 14 September
17:15 Katkasisie Gr 11
18:00 Katkasisie Gr 9

VERJAARSDAE

Baie geluk aan almal wat DV hierdie week verjaar!

Maandag, 4 September

Sr Chrisda du Plooy 018 290 6738

Sr Ria v Eden 018 290 5543

Dinsdag, 5 September

Sr Lallie v Zyl (74) 072 141 8316
Sr Elna Visagie 082 329 5450

Woensdag, 6 September

Br Gerhard Turkstra 082 786 9528

Donderdag, 7 September

Sr Isabel Bouwer 072 453 0975
Sr Sanè Rens 074 127 3336

Vrydag, 8 September

Jsr Carmen Duvenage 018 290 9547

Saterdag, 9 September

Jsr Carla Alberts 082 415 9568
Br Alwyn Beetge 072 380 8615

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir Belydenisklas: Kinderfees.
- Gawes volgende Sondag vir Teol. skool: Publikasies.
- Vrywillige bydrae vir voertuigsekuriteit in die bussies by die deure.
- Diensbeurte: Groep 35 en 36.

KINDERFEES

Soos wat julle reeds weet, werk ons al hard aan die Kinderfees wat gehou word van **2 - 6 Oktober 2017**.

Hierdie fees is bedoel vir al die laerskoolkinders van ons gemeenskap.

Ons wil graag 'n [whatsapp-gebedsgroep](#) spesiaal vir hierdie projek op die been bring. Stuur jou selnommer na Engela vd Walt 082 556 7806 indien jy deel van die groep wil wees.

Ons benodig die volgende items om dekor-items en ander benodigdhede te maak. Indien enige lidmate ons hiermee kan help, sal ons dit baie waardeer (lewer af by die kerkkantoor):



- Houtlym
- Papierborde
- Watte
- Swart filtpenne
- Leë toiletrolletjies
- Leë 250 ml koeldrankbotteltjies (benodig 70)
- Gekleurde karton
- Bostik (Buisies)
- Roomys-stokkies
- Ryg-kraletjies
- Inkleurpotlode, uitdraai-vetkryte

UITSTAPPIE: AMANDELBLOEISELS EN GEMEENTE DONDERDAG 14 SEPT

Kom geniet die oggend saam met ons by 'n Noot- vir- Noot-opname. Ons kom 9 uur by die kerk bymekaar en behoort teen 5 uur weer uit Johannesburg terug te vertrek na Potchefstroom. Slegs 40 plekke beskikbaar, skryf dus jou naam op die lys in die Skuur indien jy wil saam gaan! Kostes beloop R50 p/persoon.

GEMEENTELIKE HERWINNINGSWERKSPROJEK
Gebruik ons herwinningshok vir: Papier, plastiek, karton, glas, blikkies en polystyrene. *Dit hoef nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees en nie vuil ingegooi word nie.

Maak ook voorstelle vir 'n lekker naam vir hierdie herwinningsprojek.

"Raap, Skraap en Red" = Yda Vosser
"Raap en Red", kortweg R&R = Rina Seyffert
(verbuiging van tannie Yda se voorstel)



**KENNISGEWING VANAF
DIE DIAKONIE:**
LIEFDEGAWES VIR
BARMHARTIGHEID DEUR
SELFOON TOEPASSING:

ZAPPER

Het jy vergeet om kontant te bring vir jou liefdegawe vir Barmhartigheid tydens die erediens? Moenie bekommern nie! Nou kan jy dit per selfoon bydrae deur middel van die Zapper toepassing op jou slimfoon. Laai die Zapper toepassing op jou selffoon af, skandeer die unieke QR simboolkode met jou foon, voeg 'n bedrag in en stuur. Dit is vinnig en veilig.

Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie.

POTCHEFSTROOM KERKLEIERS FORUM (PKF)

Ons het reeds vermeld van 'n inisiatief wat van verskillende kerke en gemeenskappe uitgegaan het om gelowiges in Potchefstroom oor alle kerkgrense en kultuurgrense heen by mekaar te bring. Daar is 'n PKF Loodskomitee gestig om die vestiging van die beweging te faciliteer deur eerstens te poog om so veel moontlike kerke en gemeenskappe in Potchefstroom betrokke te kry en om die grondwerk te doen sodat daar later 'n formele struktuur gevestig kan word waardeur Christene in Potchefstroom hulle stem kan laat hoor en Christelike waardes in die gemeenskap kan bevorder.

Die Loodskomitee, onder leiding van ds Willem Louw (NG Miederpark), het alreeds die samewerking van die Potchefstroom Sakekamer en ander plaaslike sakelei verkry en beplan 'n **byeenkoms op Sondag, 17 September 2017, op Olienpark om 15:00. Die geleentheid word genoem "Dis tyd, Potch"** (It's time, Potch). Gemeentes word versoek om die geleentheid bekend te stel en om voorbidders en helpers vir die geleentheid te verskaf.

Jy kan dus betrokke raak by 'n baie unieke geleentheid vir Christene in Potchefstroom deur aan te sluit as 'n voorbidder en/of jouself aan te bied as 'n werker om die "Dis tyd, Potch" geleentheid aan te bied.

Kontak ds Piet indien jy op enige manier

hierby betrokke wil wees.

KONINGSKINDERS IN AKSIE: Nuusbrief 6 - Potchefstroom

Ons was dalk stil om terugvoer te gee, maar dit was definitief nie die geval met die dienswerk nie. Gereeld moet ons onsself herinner: "Die oes is groot en die arbeiders min". Hierdie jaar het ons alreeds vier Laerskoolaksies agter die rug en dit gaan goed met die katkisasie.

Tans is ons besig omet die beplanning vir die kampe aan die einde van die jaar en benodig daarvoor nog borge. Die grootste hiervan is die Laerskoolkamp 9-13 Des. Finansieël benodig ons R15 000, asook enige van die volgende: Heel hoender, maalvleis, dun boerewors, gemengde groente (gevries), spaghetti, suiker, melk, vetkoek (klaar gebak en gevul) en enige ander droë produkte. Indien iemand ons hiermee kan help sal dit tot groot aanwings wees.

Jaarliks reël ons hierdie kampe vir elke groep kinders wat ons bedien. Tydens hierdie kamp kry ons die kans om in die natuur veral die volgende te doen:

- Aan interaktiewe Bybelstudies deel te neem,
- Konstruktiewe speletjies te speek,
- Praktiese lesings by te woon,
- Gesonde en smaaklike kos te eet, en
- Goeie verhoudings te vorm met mekaar en met groepeliers.

Kontak ons gerus deur ons e-pos: gkpotch@gmail.com of Skakel Willem by 073 021 6871.

Bankbesonderhede: ABSA, Tjekrekening (Aksie Koningskinders Potchefstroom) 404 876 9163, Takkode 632005, Verwysing: jou e-pos

KENNISGEWINGBORD

- Intergemeentekamp 8-10 September Nooitgedacht
- Groenwilgers - Lentedag vir Bejaardes 7 September
- Vakature Adminburo: Assistent van die

Rektor en Rektoraat (Teol. Skool)

- Advertensie: JD's Nasorg

SEPTEMBER NAGMAALVIERING SE DATUM VERSKUIF

Neem asseblief kennis dat September se Nagmaalviering een week vroeër verskuif is na 17 Sept en nie meer 24 Sept soos op die jaarprogram nie.

BEROEPE NUUS

BEROEP ONTVANG

Ds JJ de Bruyn (Johannes) van Harrismith na George.

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers



Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Prof. Herrie v Rooy 083 700 3933

Kerkkantoor: Adele 018 290 7690



SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



Tee word **vandag** onder die leiding van Annetjie Vermeulen (Groep 32) en Carina Smits (Groep 33) bedien.

Volgende week skink Stephanie Earle (Groep 34), Alicia Bruwer (Groep 35) en Annarie Oelofse (Groep 36) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*



SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenhede geïn word. Hierdie geld word gebruik om na minderbevoordeeltes uit te reik en daar word jaarliks aan verskillende verdienstelike instansies, donasies gegee.

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!***

MELKFONDS



Ons gemeente is bevoordeel om elke Sondag 'n heerlike koppie melkkoffie of tee na die erediens te geniet. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om huis in hierdie voorreg te voorsien. Graag vra ons vir enige donasies wanneer daar weer heerlik rondom 'n koppie koffie of tee gekuier word. Die donasies kan in die houers geplaas word en so verseker ons ook elke week se lekker saamkuier na die erediens.

BANKBESONDERHEDE VIR SUSTERS SE INBETALINGS

Susters, let daarop dat die Susters 'n aparte bankrekening het vir al hul bydraes, nagmaaletes se inbetalings, ens. Die rekeningbesonderhede is:

Potchefstroom-Oos Susters, Capitec Bank, Tjekrekening: 145 652 5695, Takkode: 470 010

KWARTAALPROGRAM (NB: datums het gewysig!)

ERDE KWARTAAL

DATUM	DAG	TYD	WIE	WAT
14-Sep	Donderdag	18:30	Blok B en Ina Jordaan	Ouderlingverversings
17-Sep	Sondag	12:00	Blok D en Annelie Pheiffer	Nagmaal & etc

DANKIE VIR ONS BORG VAN DIE WEEK

• HUIZEMARK • EIENDOMSAGENTSKAP

**ONS HET VOORDUREND POSTE BESKIKBAAR
VIR AGENTE EN BEMARKERS**

ONS DOEN :

Verkope & Verhurings

- * Huise, * Woonstelle,
- * Meenthuse,
- * Besigheidspersele,
- * Plase, * Plotte



**VIR ALLE
EIENDOMSBEHOEFTES**

SKAKEL

Rolene vd Walt

082 859 6209

Linda Nolte

082 785 3951



OOSDOPPERTJIES

Jes. 43:1b "Ek het jou op jou naam geroep,
jy is myne."

NUUS UIT DIE BYBELKOERANT

VERLAMDE BEDELAAR VAN MOOIPOORT GENEES

JERUSALEM. - 'n Verlamde man wat al vir baie jare in die Mooipoort sit en bedel, het gistermiddag baie meer gekry as waarop hy ooit kon hoop: hy is genees!

Die man wou nie sy naam bekend maak nie, uit vrees vir optrede teen hom en sy familie. Hy is van sy geboorte af verlam. Gister het sy familie hom soos gewoonlik na die tempelpoort gebring om by die tempelgangers te bedel. Die leiers van die nuwe kerk wat hulleself "Volgelinge van Jesus" noem, Petrus en Johannes, het ook by hom verbygeloop op pad na die tempel. Die man wou by hulle geld hê. Petrus en Johannes het gaan staan en hom gevra om na hulle te kyk. "Ek was seker hulle gaan vir my geld gee, want hulle het so vriendelik gelyk. Maar toe sê Petrus: 'Geld het ek nie; maar wat ek het, gee ek vir jou: In die Naam van Jesus Christus van Nasaret, staan op en loop!' Ek was te verdwaas om te reageer, maar toe gryp hy my aan die hand en trek my op - en daar staan ek! Ek kan dit nou nog amper nie glo nie!", het hy opgewonde aan Die Bybelkoerant vertel.

Die man het die tempel ingegaan en rondgeloop en gespring en God geprys, sodat talle mense by die Pilaargang van Salomo om hom en sy weldoeners saamgedrom het. In 'n kort toespraak, het Petrus ontken dat hulle die man genees het. "Dit was in die Naam van Jesus van Nasaret, die Messias, dat die man genees is", het hy gesê. Hy het 'n beroep op almal gedoen om Jesus as hulle Messias en Verlosser te aanvaar. "Hy het nie net self uit die dood opgestaan nie, maar kan ook dié wat in hom glo, uit die dood opwek", het Petrus gesê. Die aanspraak was te veel vir die priesters en Sadduseërs en hulle het die twee met behulp van die tempelpolisie in hegtenis geneem.

Die feit dat die polisie ingegryp het, kon egter nie verhinder dat talle omstanders ook Jesus as Messias aanvaar het nie.

Lees hiervan en van die verhoor voor die Joodse Raad in Handelinge 3 en 4.

